
ВИЛОЯТ ҲОКИМИ 31 НАФАР БИТИРУВЧИЛАРИНИНГ 29 НАФАРИ ОТМ ТАЛАБАСИГА АЙЛАНГАН ОЛТИАРИҚ ТУМАНИДАГИ 1-ИДУМНИНГ 1-СИНФ ҮҚУВЧИЛАРИГА ПРЕЗИДЕНТ СОВҒАЛАРИНИ ТОПШИРДИ

Вилоят ҳокими Хайрулло Бозоров, Олтиариқ туманидаги 1-ихтисослаштирилган давлат умумтаълим мактабида ташкил этилган “Биринчи қўнғироқ” тадбирида иштирок этди ва мактабнинг 1-синф үқувчиларига Президент совғаларини топширди.

Ўқитувчи ва ўқувчиларни янги ўқув йили билан қутлаган вилоят ҳокими, 31 нафар битирувчиларининг 29 нафари ОТМ талабасига айланган ушбу ўқув даргоҳини муваффақиятлар билан табриклиди.

Бу йил илк бор мактабга қадам қўйган ўқувчиларга ҳоким томонидан вилоятдаги умумтаълим мактабларининг 1-синфларига борган 62839 нафар ўғил-қиз қатори Президент совғалари тақдим этилди.

Хайрулло Бозоров, 2020 йил сентябрда Фарғона вилояти ҳокими этиб тайинлангач, ўз фаолиятининг илк кунларида вилоятда ўз ўрнига эга ушбу таълим муассасаси фаолияти билан танишиш учун ташриф буюрганди. Ўрганиш жараёнида мактабга қўшимча ўқув корпуси лозимлиги аниқланиб, вилоят ҳокимининг кўрсатмаси билан маҳаллий бюджет ҳисобидан қурилиш ишлари учун 2,5 миллиард сўм, жиҳозлаш учун 580 миллион сўм маблағ ажратилди ва 200 ўринли янги корпус қуриб битказилди. Келгуси ҳафтагача жиҳозлаш ишлари якунланиб, ўқувчилар янги синф хоналарида ўқишни давом эттиришлари режалаштирилган.

[Бизни ижтимоий тармоқларда кузатинг Facebook](#),
2021-09-06 12:21:34